



欽定蒙古源流

提要

臣等謹案蒙古源所撰未有自叙稱

二年奉

旨

勅譯進其書本蒙古人所撰未有自叙稱  
庫圖克撤辰鴻台吉之裔小徹辰薩  
囊台吉願知一切因取各汗等源流  
約畧敘述並以講解精妙意旨紅赤

沙爾巴胡土克圖編纂之蓬花漢史  
雜噶拉幹爾第汗所編之經卷源委  
古昔蒙古汗源流大黃赤等七史合  
訂自乙丑九宮值年八宮翼火蛇當  
值之二月十九日角木蛟鬼金羊當  
值之辰告成書中所給紀乃額訥特  
珂克土伯特蒙古汗傳世次序及供  
養諸大喇嘛闡揚佛教之事而其國

中興衰治亂之跡亦多按年臚載首  
尾賅備頗與永樂大典所載元朝秘  
史體例相近前者我

皇上幾餘覽古以元代奇握溫得姓所自  
必史乘傳譎詢之定邊左副將軍喀  
爾喀親王成衮扎布因以此書進

御考證本末知奇握溫爲却特之誤數百  
年之承訛襲謬得藉以釐訂闡明旣

蒙古源流  
提要  
二  
已揭其旨於

御批通鑑輯覽復以是編

宣付館臣譯以漢文潤色排比纂成八卷  
其第一卷內言風壇水壇土壇初定  
各種生靈降世因由及六噶拉卜乘  
除算量運數而歸於釋迦牟尼佛教  
之所自興是爲全書緣起次紀額納  
克特珂克圖汗世系首載星哈哈努

汗之曾孫薩爾幹阿爾塔實廸汗之  
子丹巴多克噶爾成佛事而自烏廸  
雅納汗以下崇信佛教諸大汗及七  
贊達七巴拉四錫納等汗則俱詳著  
其名號與藏經內之釋迦譜納畧相  
仿次紀土伯特汗世系始於尼雅特  
贊博汗在善布山爲眾所立於扎實  
德汗大致亦頗與西番嘉喇卜經合

其中載特勒德蘓隆贊娶唐太宗女  
文成公主特勒丹祖克丹汗娶唐太  
宗弟景德王女金城公主核之唐太  
宗貞觀十五年以宗女文成公主妻  
吐蕃贊普葉宗弄贊中宗景龍初以  
雍王守禮女爲金城公主妻吐蕃贊  
普葉隸踏贊其事蹟多屬相符是土  
伯特卽吐蕃國號而唐書所稱葉宗

弄贊乃特勒德蘇隆贊之訛其汗世  
以贊博爲名與唐書所稱贊普亦音  
相近也其第三卷以後則有紀蒙古  
世系爲土伯特色爾特贊博汗之季  
子布爾特齊諾避難必至塔地方其  
眾尊爲君長數傳至勃端察母母曰  
隆隆郭幹哈屯感異夢而生又九傳  
至元太祖與元本紀多相合而間有



異同其稱元太祖爲索多博克達吉  
吉斯汗元世祖爲呼必賚徹辰元順  
帝爲托歡特穆爾烏哈噶圖汗自順  
帝北奔後世傳汗號至林丹庫克圖  
汗而爲我

朝所克中間傳世次序名號生卒年歲  
釐然具載銓叙極爲詳悉明代帝系  
亦附著其畧其最踳駁者如以庫色

勒汗爲元明宗弟在位二十日史無其事人以明太祖爲朱葛仕元至左省長官讒殺托克托噶太師遂舉兵廸逐順帝亦爲鑿空失實其他紀年前後亦往與史乖迕蓋內地之事作書者僅據傳聞錄之故不能盡歸確核至於眾外立國傳授源流以逮人地諸名語言音韻皆其所親知灼見

自不同歷代史官據拾影響附會之  
詞妄加纂載以致魚魯謬戾不可復  
憑得此以定正舛訛實爲有裨史學  
仰惟我

國家萬方同執中外嚮風蒙古諸部久  
爲臣僕乃得以其流傳秘冊克外史  
之儲藏用以參考舊文盡却耳食沿  
譌之陋一統文武之盛治洵亘古爲

獨隆矣乾隆五十五年七月恭校上

總纂官臣陸錫熊臣紀昀臣孫士毅

總校官臣陸費墀

蒙古源流卷之五十五 年子日六

欽定蒙古源流卷一

額訥特珂克土伯特蒙古汗等源流

納摩沽嚕嘛

尼雅

租鍋卡阿雅

頂禮三寶

三世諸佛

普度三界

三恩喇嘛

三才定位

克成庶類

佛度生靈

聖化炳蔚

試綜昔者額納特珂克土伯特蒙古三國根本  
世基之載在舊史者而統論之凡一切依倚外  
象包羅者已定一切因緣生靈已成外象定自  
三壇起於風壇則由無所有空十面大作所向  
感被而溫和碧色之風壇凝然定矣以言乎冰

末

壇則由觴於風壇彩雲疊布叢生連綿陰雨以  
成無邊岸作鹹之大海而水壇矣以言乎土壇  
則由金界糞土定若乳上凝脂以次各七分七  
數加添自細塵以至埃塵沙纖微野馬細末爲  
一粒油麥七粒油麥爲一寸二十四寸爲一肘  
四肘爲一丈至五百丈自盡一角聲聞處爲一  
里以如是甚多之里數名爲大自在金地土壇  
其中山之大者爲須彌山以及七金山七大海



四大部八小部洲一時顯然著矣。內藏包羅者  
自禪天一神變幻降世起漸漸蕃衍色界十七  
天無色界四天欲界二十天并過去未來現在  
世界之六種生靈以次而成。因彼生靈神變而  
來故壽數無算。雖生於世上行不踐地飛空而  
行不食下界所生穢穀。惟食禪穀。無論男女不  
自胎生皆由化生。是時無有日月本身之光。可  
以自照。彼時不以人稱。皆呼爲生靈。其後生靈